



Universitätsbibliothek Paderborn

**Consolator Fidelis Et Proficientis Animæ seu
Exhortatiunculæ Spirituales Et Succinctæ In singulas
Dominicas & Festa anni divisæ, quibûs Confessarius in S.
tribunali animam Deum verè quærerentem paternè ...**

Eisvogel, Veremund

Augustae Vindelic., 1727

II. Ad Diem Nominis.

[urn:nbn:de:hbz:466:1-52716](https://nbn-resolving.de/urn:nbn:de:hbz:466:1-52716)

EXHORTATIUNCULA II.

Pro die Natalitii Nominis.

I.

Dilecte! Quàm magnificum est Nomen, quod imposuit Deus! Emptum est sanguine JE-su. Vosne portabitis sinè labore? Sinè fortitudine? Grande nomen magna facta exigit. Non est Christianus, qui opera non facit Christi. Et illa ô quanta! Ad hæc eluctari possumus, si volumus. Tentemus! Piis conatibus certè aderit Christus.

Instructio meritoria.

JEsum ne offendamus, in vacuum portandò nomen, tot dies pro speciali devotione nobis statuamus, quot litteris constat Baptismale nomen. Per illos autem dies quotidie ter visitemus sacrosanctum Venerabile, & Lytanias de dulcissimo Nomine JEsu quàm attentissimè recitemus, additòs in fine hìs precibùs: *Domine! Tibi vivam! Tibi & moriar frater de Nominе JEsu!*

II.

O Providum cœlum! Vix nati estis: Jam vestrūm ô fili! misertus est Deus. Ad sacram fontem vocat, S. Baptismate mundat, & nomine omnium præstantissimò, nomine Christiani honorat. Sed quis verè Christianus? Qui credit, quæ fides docet. Fili! Vana est fides, mortua est fides, ubi regnant peccata. Non peccaremus, si firmiter crederemus, dari Deum, infernum, paradisum. O quàm pauci igitur

igitur veri Christiani! Augeamus numerum nostrâ pietate, & vitâ exemplari.

Instructio meritoria.

Ut Christi fideles vitâ, moribûs, & sanctis laboribûs Christum in seipsis exprimant, & omnne peccatum extremè fugiant, ad omnes Cœlites clamemus persolvendô *Litanias de Omnibus Sanctis* cum suspirio: Domine JEsu! Excita potentiam tuam, & veni, ut repleas tuorum corda fidelium fide ardenti, & vivacissimâ!

III.

BOne; O si nomen suum quondam legeret scriptum in libro vitae! Verum modicæ spei! Quare dubitat? Sit fidelis, & bonus miles Christi: Pro stipendio apprehendet vitam æternam. Qui vexillum sibi statuit Christi, stat contra carnem, & sæculum; nescit gaudia, nisi quæ latent in Crucis gloria. Et ô dilecte! *Quis sanctorum sine tribulatione coronatus est?* *Quere;* & invenies singulos adversa perpessos.
S. Hier.

Instructio meritoria.

In hodiernis adversitatibus, & pressuris (sine quibûs dies nulla) nostram pro dignitate nominis probemus constantiam, & dum soli, procidamus in genua, & SSS. Trinitati gratias agamus, orandô ferventer psalmum: *Confitemini Domino, quoniam bonus; quoniam in sæculum misericordia ejus.* Tesserâ diurna sumatur ex S. Laurentio Just. JEsu! *Da hic patientiam!* ibi vero indulgentiam!

Hh 3

EX-